

Regional News Unit AIR Aizawl
Saturday, August 09, 2025
Time - 7:30 -7:40Hrs
AKASHVANI AIZAWL

REGIONAL NEWS BULLETIN

HEADLINES (MORNING)

- Health Minister Pi Lalrinpuii, Natna chi hrang hrang 248 nihphung leh enkawl na ziahna bu Standard Treatment Guidelines (STG) 2025 nimin khan a tlangzarh .
- Mizorama kawngpui sial leh a enkawl chungchangah YMA leh PWD in thawhhona thuthlung kum thum (3) chhung atan an ziaik thar leh.
- Akashvani-a Prime Minister Narendra Modia-a Mann Ki Baat programme chuan tihchhuah anih atangin cheng vaibelchhe 34 a thawkchhuak tawh.
- Sawrkar laipui chuan Pradhan Mantri Ujjwala Yojana hmangtute tana man tlawma eirawngbawl na gas lak theihna chu kum 2025-26 chhung atan pawhsei a remti.

<><><>

HEALTH MINISTER

Health & Family Welfare Minister Pi Lalrinpuii chuan a pisa-ah Natna chi hrang hrang 248 nihphung leh enkawl na ziahna bu Standard Treatment Guidelines (STG) 2025 nimin khan a tlangzarh a, Mizoram puala a hmasa ber a ni .

Health Minister Pi Lalrinpuii chuan hetiang thil ropui leh tha India ram-ah pawh State nazawngin anmahni puala an neih theih loh a vawi khatna atan Mizoram in a nei thei chu ropui takzet a ni a ti a. Mizoram hmun kilkhawr ber thlenga natna hriat leh enkawl na kawnga Doctor te leh hriselna lama thawktu ten tangkai taka an hman ngei a beisei thu a sawi.

He Standard Treatment Guidelines Edition hmasa berah hian Natna hrang hrang 248 nihphung leh enkawl dan awmin Specialist hrang hrang ten India mai nilo khawvel huapa mithiamte siam atanga Mizoram State mil leh mamawh tur ang bera an duan a ni a. A bu a siam anih mai bakah hian Web-version, online atanga en zung zung theih tura duan a ni bawh.

STG 2025 Expert team-ah hian Member 19 awmin Zoram Medical College & Hospital atangin experts 13, Civil Hospital Aizawl atangin experts 3, Kulikawn Sub-District Hospital atangin expert 1, Directorate of Hospital and Medical Education leh Mizoram State Health Care Society atangin Expert 1 ve ve an tel a ni.

<><><>

PROJECT BLOOM

Lunglei District Bawrhsap kaihhruainaa Lungsen Aspirational Block huam chhunga nu leh naupang hriselna atana hma lakna, Project BLOOM chu NITI Aayog hnuaia Aspirational District & Block Programme hnuaia hma lakna tha zual zingah thlan a ni a, Ningania New Delhi-a Vigyan Bhawan-a 'Best Practices Seminar'-ah zir ho atan chhawp chhuah a ni.

Lunglei DC project, Project BLOOM (Better Living through Outreach, Optimal Maternal & Child Health) hi ram puma Aspirational District 329 leh Aspirational Block 500-a hma lakna tha zual, Seminar-a zir ho tura thlan chhuah 19 zingah a tel a. Seminar-ah hian Lunglei District Bawrhsap Pi Navneet Mann chuan 'Project BLOOM' hma lakna leh a hlawhtlinna te tar langin, India ram hmun danga kalpui ve theih a nih dan turte leh hlawhtlinna nasa zawk a awm theih dan turte Seminar-ah hian sawi ho zui a ni.

Project BLOOM hi NITI Aayog hnuaia Aspirational Block Programme-in hriselna leh chaw tha chungchanga hmasawnaa tehfung a duan hrang hrangah Lungsen Block-in hma a sawn theihna tur leh zaa za tihhlawhtlin a nih theih nana ruahman niin, kumin June ni 17 khan kalpui tan a ni a. He Project hnuaiah hian nu nau paiin damdawi in ngeiah nau a neih theih nan inzirtir niin, damdawi in pan harsatte leh mamawhte tana koh theih lirthei 'SafeWombWheels' ruahman a ni a. Nau nei tur leh buaipuitute lo chawlh lailawkna khualbuk, 'Maternity Waiting Room' siam niin, chaw tha an dawn ngei theih nan ruahmanna siam a ni bawk a. Raipuar an nau pai atanga thla thum chhunga inziak lutte hnenah 'BLOOM Gift Basket' pek niin, in tin tlawh chhuaka inzirtirna leh inchhiarna te, hri danna pek beihpui thlak leh hriselna lama thawktute training pek te pawh kalpui a ni.

Lungsen Block hi Lunglei District-a RD Block 4 zinga pakhat niin, mihring cheng 18,637 an awm a. Block chhungah hian Village Council 24, chhungkaw 3,903, PHC pakhat, HWC pasarih, Health Sub-Centre pakhat leh Anganwadi Centre 44 a awm a ni.

<><><>

CYMA & PWD

Mizorama kawngpui sial leh a enkawl chungchangah Young Mizo Association leh PWD chuan thawhhona thuthlung kum thum (3) chhung atan nimin khan an ziak thar leh a.

Thawhhona Thuthlung hi PWD aiawhin Engineer- in- Chief Pu H. Zoramliana leh Chief Engineer (Planning) Pi C. Lalthlamuani ten an ziak a; YMA aiawhin Pu Lalmachhuana, President, Central YMA leh Prof. Malsawmliana, General Secretary, Central YMA ten an ziak a ni.

Thawhhona Thuthlung (MOU) hmasa ber hi kum 2018 June ni 14ziah niin a vawihnihna chu kum 2022 July ni 14 khan ziah a ni bawk.

<><><>

MPCC

Mizoram Pradesh Congress Committee chuan enchhin sawrkar ZPM in BJP a zawm tan niin a lang a ti.

Nimina Congress Bhavan-a MPCC Political session ah MPCC President Pu Lal Thanzara chuan thusawiin August ni 7 khan NDA, BJP leh a thawhpuite chuan meeting an nei a, hemi tum hian Lok Sabha MP Richard Lalhmangaiha chu a tel ve a, ZPM hian kum 2023 Assembly inthlanah BJP sum an hmang nasa nia sawi a awm a, Lok Sabha Speaker thlanah pawh BJP an lo vote tawh bawk a, enchhin sawrkar hian BJP a zawm tan niin a lang a ti.

MPCC President chuan ZPM sawrkar chu ICU ah Ventilator hmangin a nung che che a, hemi chhanchhuak tur hian mipui ten MNF party an beisei lo a, Congress party an beisei mek a, a chhan chu an hruatuiten an thutiam an hlen thin vang a ni, a ti.

ZPM sawrkar chuNatna khirh tak pathum an vei mek ah puhin, Sum puk natna te, Kawng chhia natna te, Sum lengyak tlem leh ruihhlo a hluar a, khawtlang nun tlahniam nasa lutuk te a ni a. ZPM vote tu tamtak te hi an beidawng tawh em em a ni, a ti.

<><><>

LAWNGTLAI

Kar kalta Inrinnia Lawngtlai leh Lunglei inkar, Lunglei District chhung, Bualte daia National Highway-02 leiminin a hnawh chu thenfai hna thawh reng nimahse, a min belh zel avangin kawng a la ping chhunzawm a, Lawngtlai District ta tur Tuialhthei phur kawngping hian a dang nual tih kan corr chuan a sawi.

Tuialthei hi Lawngtlai District ah phurhluh theih nilo mahse, harsatna lian lutuk a la thlenglo tih DCSO, Lawngtlai Pu Lianchhuma Chinzah chuan a sawi a, DCSO lamin an chhinchiah danin, MIZOFEDFilling Station ah Diesel Litres 1100, Petrol Litres 2400 a awma, loh theihlohva mamawh zual tak takte hnen ah DCSO atangin Permit pekchhuah a ni. MIZOFED hian kawnglak a tang Diesel Litres 24,000 Petrol Litres 12,000 an nei mek a ni

Sangau a Filling Station ah Diesel leh Petrol a awm tamtawk a, Bungtlang South ah Diesel tlem awmin Petrol an neilo.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

TRAFFIC

National Highway - 06 kawng siam mek chu lirthei nawlpui zawh theih tura siam a nih tak avangin 407 tlang kawng Kawnpui leh Durtlang road a tlan thin te chu NH-06 Sairang road lamah tlan vek tawh tura tih a ni.

Kolasib SP thuchhuah tarlan danin Kawnpui to Durtlang road a lirthei 407 tlan phalna chhuah tawh chu tihtawp a ni a, 407 motor leh a tiatpui lirthei te chu tlang kawng (Kawnpui to Durtlang) ah tlan phal an ni tawh lo a ni.

<><><>

GARBAGE OWNERS

Aizawl khawpuiin bawlhhlawh an paihna, Tuirial lui kama Solid Waste Management panna kawng siam thain Bawlhhlawh paih Motor neituten kalkawng siamthain vawiin khan hnatlang an ko a.

Aizawl City Garbage Vehicles Owners Association President Pu Lalthanzuala hnen atanga thu dawn danin Bawlhhlawh paihna hmun leh Kawngpui inkar hi Metre 700 vela thui a ni a, he kawng hi a chhe hle a, Motor nazawng chuan a paihna hmun tur hi an thleng thei lova, Four Wheel chauhin tun dinhmunah bawlhhlawh hi an paih theih avangin a kawng siamthat hnatlang hi Lirthei neitu pawlte chuan kovin Lirthei laihawl MMV 80 vel leh Lirthei te chi LMV 70 neitute an lirthei nen an hnatlang a ni.

Hnatlanga chhuakte hian kawng chhuat phah tur Lung te phur khawmin hnatlang hi Mizoram PWD mite leh AMC hotuten an puibawm a. Tun dinhmunah Bawlhhlawh tawih thei leh tawih thei lo paihna a hranpa a siam ni mahse, a panna kawng a chhiat nasat avangin bawlhhlawhte hi a hranga paih lovin an bun fin mai thin niin Bawlhhlawh paihtu pawl hruaitute chuan an sawi a ni.

An Hnatlan tur thu hi PWD lam hotuten hriain nimin khan AMC lam leh Aizawl City Local Council hruaitute nen meeting an neih pui a. PWD hian Hnatlang thawh rual hian hna an tan zui ve nghal a. Association pahnih te atang hian motor thawh thei ten quarry-a PWD lung neih sa te an phur khawm a, kawng khuar zual lai te hnawhin PWD vibrator khawl lianin a chil muk nghal zel bawh a ni.

<><><>

MANN KI BAAT

Akashvani-a Prime Minister Narendra Modia-a Mann Ki Baat programme chuan tihchhuah anih atangin cheng vaibelchhe 34 a thawkchhuak tawh. Union Minister of State for Information and Broadcasting Dr.L Murugan chuan Rajya Sabha-a ziaka zawhna chhangin he thu hi a sawi a.

Thla tina tihchhuah Mann Ki Baat programme ah hian Prime Minister hian zirna, hriselna, environment, ngaihtuahna thar hman leh khawtlang rawngbawl kawngah chanchin ngaihnaawm leh mipuite fuihna thu tha tak tak a sawi thin a ti a. Man Ki Baat hi Akashvani leh Doordarshan network pumpui, AIR News website leh Newsonair mobile app-ah te tihchhuah thin a ni a, AIR News, DD News, PMO, leh Information and Broadcasting Ministry-a YouTube channel-ah live-stream thin anih thu a sawi a ni.

<><><>

PMUY

Sawrkhar laipui chuan Pradhan Mantri Ujjwala Yojana hmangtute tana man tlawma eirawngbawlna gas lak theihna chu kum 2025-26 chung atan pawhsei a remti. He scheme atan hian cheng vaibelchhe sing 1 leh sang 2 hman tura ruahman a ni a. Union I&B Minister Ashwini Vaishnawa'n New Delhi a chanchinbumite a hrilhdanin Prime Minister Narendra Modia kaihhruai Union Cabinet thukhawm chuan he thutlukna hi a siam a. Chhungkaw vaibelchhe 10 leh nuai 33 chuangin he scheme hi an hlawkpui thu a sawi bawh a ni.

<><><>

MODI-PUTIN

Prime Minister Narendra Modia leh Russia President Vladimir Putin te chuan niman khan ram pahnih inlaichinna chungchang telephone hmangin an sawidun. President Putina hian tunhnaia Ukraine thilthleng chungchang Prime Minister Modia hi kimchang takin a hrilh a. Prime Minister Modia chuan inngghirngghona ti reh a remna kawng zawn chu India ngaihdan a nih thu a sawi a ni. Hruaitu pahnihte hian ram pahnih inkara thupawimawh hrang hrang sawiin India-Russia Special and Privileged Strategic Partnership tihngheh zel an duh thu an sawi a. Pu Modia chuan kumin India-Russia Annual Summit neih turah President Putina chu India-a lo zin turin a sawm bawh bawh a ni.

<><><>